

# Rapport vun der Kommissioun vum drëtten Alter

## Sëtzung vum 7 Oktober 2025

### Präsenzen

Present (Quorum 50% , ≥6)	Net present	Observateuren a Experten
Pascale BERNA Yolande EVERAD-GRAFF Sylvie GIERES-DEITZ Carlo KOEPP (Sekretär) Corinne REDING-SCHARLÉ (Presidentin) Liselotte RUEF-VOGT (Vize-Presidentin) Lydie RUPPERT	Rosie BRANDENBURGER (entschëllegt) Stefanie BLOCK (entschëllegt) Seth RUEF (entschëllegt) Suzanne WEIS-COLLÉ (entschëllegt)	

### Dagesuerdnung

Déi folgend Dagesuerdnung gouf op d'mannst 2 Deeg virun der Sëtzung un ([3e.aga@helperknapp.lu](mailto:3e.aga@helperknapp.lu)) an op [odj@helperknapp.lu](mailto:odj@helperknapp.lu) verschéckt, respektiv nodréiglech, op Ufro vu Memberen oder dem d'Memberen Schäfferot, ugepasst

1. Begréissung, Presenzelëscht
2. Presentatioun vum Konzept SAMO vun der Mme Kina Thill (~30min) (Mail vum 23.9)
3. Validatioun Rapport
4. Demanden a Retouren vun der Gemeng
5. Kaffistuff
6. Nächst Konferenz
7. Chrëschtfeier
8. Divers

## Punkt 1 : Begréissung, Presenzelëscht

Presidentin huet d' Sëtzung opgemaach an d' Memberen begrüsst. Véier Memberen haten sech entschëllegt.

## Punkt 2 : Presentatioun vum Konzept SAMO vun der Mme Kina Thill

Op Demande vum Gemengensekretariat gouf Mme Kina Thill invitéiert, fir an der Sëtzung hiert Konzept SAMO virzestellen.

Mme Thill huet sech als Educatrice graduée virgestallt. Si wunnt an eiser Gemeng, a berufflech ass si selbststänneg an si huet ee Konzept am Beräich Wuelbefannen entwéckelt. Et baséiert op 3 Pilieren:

- Aktivitéiten an der Natur
- Vill Beweegung
- Gesond an equilibréiert Ernährung.

No eegener Ausso richt sech hiert Angebot u Kanner ab 4 Joer souwéi un Erwuessener ouni Alterslimitatioun.

Aktivitéiten fir Jonker als Beispiller:

- Schnëtzen, Feier maachen
- Dekoratiounen a bastelen mat Naturmaterialien
- Bewegungsspiller am Fräien wéi Bingo, Mini-Olympiaden usw.
- Outdoor Kichen mat Kraider sammeln,...
- Rallye mat Geschichten aus an iwwert Gemeng

Fir **Senioren** sinn nach keng konkret Aktivitéiten am Programm virgesinn, mee Mme Thill war an eiser Sëtzung fir dëst Thema ze diskutieren.

Verschieden Aspekter goufen ugeschwat, dorënner de Begrëff "Wildnis Pädagogie" am Zesammenhang mat Aktivitéiten am Beräich Kraider, Kichen an Dekoratioun.

D' Kommissioun konnt net direkt beurteilen, ob a wéi eeler Persounen sech vun dësem Konzept ugesprach géifen fillen. Dofir huet d'Präsidentin virgeschloen et vläicht als intergenerationell Aktivitéiten ze organisieren, wou Senioren zesumme mat hiren Enkelkanner deelhuele kéinten. Dës Iddi gouf vun de présente Memberen positiv opgeholl. Et wier vläicht och interessant fir d' Jugend Kommissioun.

Zum Ofschloss hu mir der Mme Thill villmools Merci gesot fir hir engagéiert Presentatioun.

### Punkt 3 : Rapport vum 3 Juni

D'Kommissiounssëtzung, déi fir den 2. September virgesinn war, konnt net stattfannen, well vill Memberen nach absent waren an de Quorum net erreecht gouf.

De Protokoll vun der Sëtzung vum 3. Juni gouf eestëmmeg approvéiert.

### Punkt 4: Demanden a Retouren vun der Gemeng

Gemengensekretariat huet eis eng Ufro fir Avis vun enger Biergerin weidergeleet, déi divers kreativ Aktivitéiten fir eeler Persounen wëllt ubidden.

D' Kommissioun gesäit a Moment keen konkreten Handlungsbedarf, haaptsächlech well:

- D'Erwaardunge vun den Senioren an dësem Beräich eis net bekannt sinn
- D'Kommunikatiounssprooch net kloer ass

**Mir proposéieren der Biergerin hir Iddien a Prestatioun z.B am nächsten Buert iwwee Annonce virzestellen.**

### Punkt 5 : Kaffistuff

An engem éischten Bilan kann ee feststellen, dat d' Participatioun lues a lues zouhëlt. De Raum ass frëndlech a gemittlech amenagéiert a bitt angeneem Plaz fir bis 30 Persounen. De Sall an d' Dëscher ginn ëmmer léif dekoréiert - ugepasst un Joreszäit- vun de Memberen aus der Kommissioun.

D' Gemeng ënnerstëtzt eis beim Gedrénks a beim Transport mat der Navette.

D' Nomëtteger vun der Kaffistuff, tëscht 14h30 bis 17h30, verlafen an enger agreabeler an entspaanter Atmosphère mat vill Spill, Gespréicher a natierlech bei Kaffi a Kuch an engem gudde Patt. Notamment de Bingo stéisst op vill Uklang an d' Uspannung fir ze gewinnen ass ëmmer däitlech ze spieren .

**Déi nächst Kaffistuffen si elo den 11 November (Fuesufank), an den 20 Januar 2026.**

## Punkt 6 : Nächst Konferenz

Fir des Konferenz iwwer d' Sécherheet am Alldag si mir am Kontakt mat GERO. Den Termin vum 4 Februar ass festgehalen ginn. D' Koll ass nach ze reservéieren. De Carlo bléift am Kontakt mat dem Här Gaspar vu GERO fir de weideren Oflaf.

**Den Termin soll am Manifestatioun Kalenner an am Buet publizéiert ginn. E Flyer soll 3 Wochen virdrun un d' Senioren verschéckt ginn.**

## Punkt 7 : Chrëschtfeier

D' Chrëschtfeier fir d' Senioren den 7 Dezember ass vun der Gemeng um Niveau vum lessen an der Musek sou weit definéiert. Bléift nach d' Auswiel vun engem klengen Kaddo!

## Punkt 8 : Divers a nächst Dagesuerdung

D' Fro vun der Facturatioun vu Rechnungen, déi aus der eegener Tasch bezuelt goufen, am Kader vu Kommissioun Aktivitéiten, als gestallt ginn. Et gouf och nach weider gefrot, a wéi engen Beräicher de Kommissioun Budget affektéiert gëtt?

Fir déi nächst Dagesuerdung kann een déi follgend Punkten scho vermierken:

- Validatioun Rapport
- Retouren, Demanden aus dem Gemengerot
- Konferenz iwwer Sécherheet
- Kaffi Stuff
- Aktivitéitsplang 2026
- Divers

**Nächst Sëtzung ass den 16 Dezember um 18h30. Den Uert gëtt nach matgedeelt**

Dëse Rapport soll an engem Délai vun 2 Wochen no der Sëtzung un d'Memberen verschéckt a no der Approbatioun als PDF un déi responsabel vun der Administration ([Laetitia.Strotz@helperknapp.lu](mailto:Laetitia.Strotz@helperknapp.lu) & [yves.munchen@helperknapp.lu](mailto:yves.munchen@helperknapp.lu)) weidergeleed.